

Tarikh Dibaca: 17 Februari 2017

KHUTBAH JUMAAT

Tajuk:

***“MASJID CEMERLANG UMMAH
GEMILANG”***

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR




SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Prof. Madya Dr. Osman Bin Sabran (Ahli)**
Pensyarah, Universiti Selangor
- 5. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 6. Tuan Haji Md. Sahari Bin Abdullullah (Ahli)**
Ahli Jawatankuasa Fatwa Negeri Selangor
- 7. Tuan Haji Abdul Halem Hapiz Bin Salihin (Ahli)**
Ketua Penolong Pengarah, Bahagian Penyelidikan Dan Pembangunan
- 8. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 9. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 10. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



"MASJID CEMERLANG UMMAH GEMILANG"

الْحَمْدُ لِلَّهِ الْقَائِلِ: إِنَّمَا يَعْمُرُ مَسْجِدَ اللَّهِ مَنْ ءَامَنَ
بِاللَّهِ وَالْيَوْمِ الْآخِرِ وَأَقَامَ الصَّلَاةَ وَءَاتَى الزَّكَاةَ وَلَمْ
يَخْشَ إِلَّا اللَّهَ فَعَسَىٰ أُولَٰئِكَ أَنْ يَكُونُوا مِنَ
الْمُهْتَدِينَ. 

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا
الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنتُمْ
مُسْلِمُونَ.

¹ Ar-Rahman ; 1-4



Muslimin yang dirahmati Allah sekalian,

Marilah kita bersyukur dengan nikmat Islam dan Iman yang telah kita kecapai selama ini dengan berusaha menambahkan lagi ilmu, amal dan jihad kita kepada Allah SWT. Marilah kita menjadi insan yang bertaqwa dan iltizam dengan melaksanakan segala perintah-Nya dan meninggalkan segala larangan-Nya.

Tajuk khutbah kita pada minggu ini ialah **"MASJID CEMERLANG UMMAH GEMILANG"**.

Hadirin Jumaat yang dirahmati Allah sekalian,

Apabila kita menelusuri sirah baginda SAW, kejayaan baginda membina tamadun Islam adalah bermula dengan pembinaan masjid. Kota Madinah yang tersergam membangun pada hari ini adalah bermula dengan wujudnya masjid yang bermula dengan pembentukan para sahabat sehingga digelar sebagai generasi al-Quran adalah dengan tarbiyah dan pembinaan akidah, syariah dan akhlak kepada mereka melalui pintu masjid.

Sejarah kegemilangan Islam menyatakan bahawa kecemerlangan Umat Islam adalah melalui budaya ilmu yang bermula di masjid. Sebagai contoh Masjid Kuffah di Iraq, menjadi pusat pengembangan ilmu sehingga melahirkan graduan agung seperti Imam Abu Hanifah dan lain-lain. Masjid Amru Bin al-As di Mesir telah memartabatkan graduan seperti Imam as-Syafi'e malah pernah tercatat dalam sejarah bahawa masjid ini pernah mengadakan 40 halaqah pengajian pelbagai ilmu serentak dalam satu-satu masa. Di Tunisia pula, Masjid Kairouan telah menjadi tumpuan ulamak dan pelajar seluruh dunia untuk menimba ilmu pengetahuan sehingga lahirnya tokoh seperti al-Khindi seorang pakar perubatan dan juga seorang jurutera termasyhur.



Hadirin Jumaat yang dirahmati Allah sekalian,

Apabila kita membicarakan masjid cemerlang sudah pastilah perkara utama yang menjadi pra syarat kecemerlangan itu ialah merujuk kepada:

1. Pegawai dan Jawatankuasa Masjid yang diamanahkan untuk menggalas tadbir urus rumah Allah SWT mestilah terdiri daripada orang-orang yang layak.

2. Kecemerlangan sesuatu masjid adalah bergantung kepada pentadbiran dan pengurusannya yang baik, cemerlang dan telus. Ia bermula dengan pembentukan biro yang mengandungi AJK kecil yang aktif, mesyuarat yang berjadual, pemantauan berkala setiap biro atau lajnah, sistem pemfailan yang kemas, penyediaan prasarana yang lengkap dan mesra jamaah, tandas dan landskap bersih dan menarik, pengimarahannya yang tersusun, kawalan kewangan yang telus, pelaksanaan aktiviti atau program yang bertaqwim bukan secara spontan atau ad-hoc dan pelaksanaan pengurusan berobjektif dan bermatlamat.

3. Memperkasa dan mempelbagai program pengimarahannya masjid. Ianya bukan hanya sekadar jadual pengajian tersusun dan bertaqwim yang bersesuaian untuk semua lapisan masyarakat namun pihak masjid hendaklah merancang satu pendekatan program atau aktiviti di luar kebiasaan.

Pelaksanakan hubungan dua hala bersama NGO atau badan-badan dakwah untuk penganjuran program bersama seperti konsert santai, penganjuran sukan atau riadhah, pengedaran risalah dakwah atau pemberian makanan dan minuman percuma kepada orang ramai atas tujuan dakwah mengajak mereka kembali kepada Islam.



Mewujudkan hubungan dua hala dengan sekolah-sekolah menengah berhampiran untuk menganjurkan program bersama bagi menangani gejala sosial di kalangan remaja adalah di antara aktiviti yang perlu dilaksanakan oleh masjid.

4. Melaksanakan program pengajian bersilibus dan berkitab, kursus-kursus keusahawanan, bimbingan kerjaya, bimbingan sukarelawan, ceramah kesihatan, ceramah anti dadah, ceramah keselamatan dan ketatanegaraan.

5. Masjid mampu untuk melaksanakan program kebajikan tersusun bukan hanya sekadar membanci golongan asnaf untuk pengagihan zakat, mencari asnaf untuk bantuan kebajikan atau membantu mereka menjalani kehidupan mereka, bahkan masjid boleh melaksanakan program penjanaaan ekonomi golongan ini dengan bimbingan usahawan atau bimbingan kerjaya.

6. Masjid adalah disarankan agar berperanan sebagai pusat sehati yang memenuhi keperluan pelanggan atau lebih tepat disebut sebagai pusat komuniti. Masjid mestilah mampu untuk menjadi jantung pembangunan ummah dengan pengisian pelbagai aktiviti dan program. Pusat khidmat nasihat kekeluargaan Islam, pusat khidmat nasihat para remaja, pusat bimbingan kerjaya, tempat riadhah dan pusat bimbingan akidah.

7. Masjid yang cemerlang juga mestilah berupaya menyatukan ummah khususnya di kalangan ahli kariahnya. Kepimpinannya lebih mengutamakan perpaduan dan ukhwah walaupun berbeza latar belakang kefahaman dan ideologi. Mereka mampu membentuk ahli-ahli kariah bersatu atas dasar Islam dan tidak mencetuskan elemen-elemen perbezaan parti politik atau aliran kefahaman.



Muslimin para jemaah yang dirahmati Allah sekalian,

Kecemerlangan sesuatu masjid tidak hanya bergantung kepada pegawai dan jawatankuasanya semata-mata, tetapi ia juga adalah menjadi tanggungjawab semua ahli kariahnya termasuklah orang perseorangan, para pemimpin, ahli perniagaan atau siapa sahaja. Kerjasama yang baik antara Jawatankuasa Masjid, JKKK, NGO dan sebagainya adalah pemangkin kepada kejayaan sesebuah masjid.

Mengakhiri khutbah kita pada hari ini, khatib ingin berpesan;

1. Umat Islam hendaklah meyakini bahawa masjid yang diimarahkan dengan baik adalah tempat curahan berkat dan rahmat dari Allah SWT.
2. Umat Islam hendaklah sentiasa meletakkan masjid dalam hati masing-masing, sayang dan sentiasa berfikir seta mencari helah untuk membantu kecemerlangan masjid.
3. Umat Islam wajib memberikan kerjasama mengimarah masjid dengan menghadiri program-program yang diadakan di masjid setiap masa, bukan apabila ada kepentingan tertentu sahaja.



أَعُوذُ بِاللَّهِ مِنَ الشَّيْطَانِ الرَّجِيمِ
وَأَنَّ الْمَسَاجِدَ لِلَّهِ فَلَا تَدْعُوا مَعَ اللَّهِ أَحَدًا ﴿١٨﴾

"Dan bahawa sesungguhnya masjid-masjid itu untuk (ibadat kepada) Allah semata-mata; maka janganlah kamu seru dan sembah sesiapaupun bersama-sama Allah".

(al-Jin : 18).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ
مَنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الرُّسُلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ إِنَّا
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَايَتِكَ الصِّمْدَانِيَّةَ،
جَلَالَةَ مَلِكِنَا الْمُعَظَّمِ سُلْطَانَ سَلَاطُور، سُلْطَانَ
شَرَفُ الدِّينِ اأدريس شاه الحاج ابن المرحوم



سُلْطَانُ صَلَاحُ الدِّينِ عَبْدِ الْعَزِيزِ شَاهِ الْحَاجِ. اَللّٰهُمَّ
اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدٍ سَلَاطُورُ، تَغْكُو أَمِيرَ شَاهِ ابْنِ
السُّلْطَانِ شَرْفُ الدِّينِ اَدْرِيسِ شَاهِ الْحَاجِ فِي أَمْنٍ
وَصَلَاحٍ وَعَافِيَةٍ بِمَنْنِكَ وَكَرَمِكَ يَا ذَا الْجَلَالِ وَالْإِكْرَامِ.
اَللّٰهُمَّ أَطْلُ عُمْرَهُمَا مُصْلِحَيْنِ لِلْمُوظَّفَيْنِ وَالرَّعِيَّةِ
وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat seperti kemarau



panjang, banjir besar, wabak penyakit supaya dengan demikian, negeri kami akan sentiasa dilindungi dan diberkati.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS).

Ya Allah, peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ
أَكْبَرُ وَاللَّهُ يَعْلَمُ مَا تَصْنَعُونَ.

JAIS/Nurul
01.02.2017